



একটি

ন্যায্যতর

ওয়েস্টমিনস্টার এর জন্য
আমাদের কৌশল

2022-26



City of Westminster



আমরা এই ডকুমেন্টকে নিম্নলিখিত
ভাষাগুলোতে অনুবাদ করতে পারি:

- আরবি (عربي)
- বাংলা (বাংলা)
- পর্তুগিজ (Português)
- কুর্দি (کوردی)
- স্প্যানিশ (Español)

যদি আপনার অন্য কোনো প্রশ্ন থাকে, তাহলে
অনুগ্রহ করে আমাদেরকে এই ঠিকানায়
ইমেইল করুন:

communications@westminster.gov.uk

একটি ন্যায্যতর ওয়েস্টমিনস্টার এর জন্য

একটি ন্যায্যতর ওয়েস্টমিনস্টার হচ্ছে যেখানে আমাদের
অধিবাসীরা আমাদের সিদ্ধান্ত গ্রহণের কেন্দ্রবিন্দুতে
থেকে এই শহরের ভবিষ্যত নির্ধারণের জন্য সাহায্য
করেন কারণ তাদের মতামত গুরুত্ব দিয়ে শোনা হয়।
আপনার সাথে সরাসরি কাজ করার মাধ্যমে, আমরা
আরো অন্তর্ভুক্তিমূলক একটি শহর গড়ে তুলতে পারি
যেটি এর বৈচিত্র্যপূর্ণ কমিউনিটিগুলোকে স্বাগত জানাবে
এবং যেখানে সব ধরনের পটভূমি থেকে আসা অধিবাসী,
শ্রমিক এবং পর্যটকরা স্বাগত ও নিরাপদ বোধ করবেন।





এটির সাংস্কৃতিক কর্মকান্ড, শেখার সুযোগ, উচ্চ মানসম্মত পাবলিক স্পেস এবং অধিবাসীদের কথা আগে বিবেচনা করে এমন একটি আবাসনের অফার ইত্যাদি বৈশিষ্ট্য নিয়ে ওয়েস্টমিনস্টার বেড়ে ওঠা ও বসবাসের জন্য সেরা জায়গাগুলোর মধ্যে একটি হিসেবে স্বীকৃত হবে।

আমাদের কাউন্সিলের পরিষেবাগুলো আরো স্বচ্ছ, সহজে অ্যাক্সেসযোগ্য এবং কার্যকর হবে, যাতে লোকজনের নিরাপদে থাকা এবং তাদের প্রয়োজনীয় সহায়তা পাওয়া নিশ্চিত করা যায়। আমাদের সামাজিক সেবা, অবকাশ এবং জনস্বাস্থ্য পরিষেবা স্বেচ্ছাসেবা খাতের সঙ্গে অংশীদার হয়ে অধিবাসীদেরকে নিজেদের কমিউনিটিতে আরো দীর্ঘ সময়ের জন্য ভালোভাবে বসবাস করতে সাহায্য করবে।



2030 সালের মধ্যে নেট জিরো কাউন্সিল অর্জনের লক্ষ্য সামনে রেখে এবং 2040 সালের মধ্যে নেট জিরো শহরে হয়ে উঠার জন্য অংশীদারদের সাথে কাজ করার মাধ্যমে আমরা উচ্চাকাঙ্ক্ষী মনোভাব নিয়ে আমরা জলবায়ুজনিত জরুরি পরিস্থিতি মোকাবেলা করবো। সাশ্রয়ী ভবনগুলো আমাদের জলবায়ু সংক্রান্ত কার্যক্রমের সম্মুখভাগে থাকবে, যেখানে আমাদের বাড়ি, দোকান এবং অফিসগুলো কম শক্তি ব্যবহার করা এবং নির্মল উৎসের উপর নির্ভর করা নিশ্চিত করতে অধিবাসী ও ব্যবসায়ীদের সঙ্গে কাজ করবে। এসব প্রচেষ্টায় সহায়তা করতে এবং সবুজতর এলাকা, অধিকতর নির্মল বায়ু এবং আরো বেশি স্বাস্থ্যকর জীবন প্রদানের জন্য আমরা সক্রিয় ভ্রমণ এবং টেকসই পরিবহনের প্রসার ঘটাবো।



আমরা একটি টেকসই এবং শক্তিশালী অর্থনীতি গড়ে তুলবো যা অন্তর্ভুক্তিমূলক প্রবৃদ্ধি নিয়ে আসবে এবং শহরের অর্থনৈতিক সাফল্যের মধ্যে অধিবাসীদের অংশীদারিত্ব বৃদ্ধি করবে এবং একইসাথে লন্ডনের এবং জাতীয় অর্থনীতিতে ওয়েস্টমিনস্টারের অনন্য ভূমিকা রাখার ব্যাপারে সহায়তা করবে। স্থানীয় ব্যবসা প্রতিষ্ঠান এবং হাই স্ট্রিটগুলোকে চ্যালেঞ্জিং সময়ে সহায়তা করা হবে, যা স্থানীয় কমিউনিটিগুলোকে উপকৃত করবে এবং আমরা বৈষম্য কমাতে এবং জীবনযাত্রার ক্রমবর্ধমান ব্যয় সামাল দিতে আমাদের অধিবাসীদের এবং ব্যবসা প্রতিষ্ঠানগুলোকে সহায়তা করবো।



ওয়েস্টমিনস্টারের জন্য আমরা যে ফলাফল চাই

আমরা চাই যে সবাই আমাদের মূল উদ্দেশ্য বুঝতে পারুক, যা কাউন্সিলে অবহিত সিদ্ধান্ত গ্রহণের ক্ষেত্রে ব্যবহার করা হবে।

ন্যায্যতর কমিউনিটি



- দারিদ্র্য ও অসমতা কমিয়ে আনার মাধ্যমে ওয়েস্টমিনস্টার একটি অধিকতর স্বাস্থ্যকর এবং আরো বেশি সমতাপূর্ণ স্থানে পরিণত হবে।
- শহরটি একটি নিরাপদ স্থান হবে যেখানে সকল বৈষম্য মোকাবেলা করা হয় এবং সবাই স্বাগত বোধ করে।
- ওয়েস্টমিনস্টার চমৎকার জনস্বাস্থ্য এবং সামাজিক সেবা পরিষেবাসমূহ এবং শারীরিক ক্রিয়াকলাপে অংশ নেওয়ার সুযোগ প্রদান করে যা প্রাপ্তবয়স্কদের সবার জন্য বেড়ে উঠার সময়ে সুস্থ থাকা এবং উন্নতি করতে পারা নিশ্চিত করে।
- সংস্কৃতি ও শেখার সুযোগ, সক্রিয় কমিউনিটি ও চমৎকার স্কুল নিয়ে ওয়েস্টমিনস্টার শিশুদের বেড়ে ওঠার জন্য একটি চমৎকার স্থান।
- ওয়েস্টমিনস্টারে কমিউনিটি এবং স্বেচ্ছাসেবা খাতের সংস্থাগুলোকে সমৃদ্ধি অর্জনের জন্য ক্ষমতায়ন করা হয়।

ন্যায্যতর আবাসন



- সবুজতর এবং আরো সত্যিকারের সাশ্রয়ী মূল্যের আবাসন প্রদান করার মাধ্যমে অধিবাসী, পরিবার এবং সামাজিক সেবা গ্রহণকারীদের আবাসনের চাহিদাগুলো পূরণ করা হয়, যার বেশিরভাগই কাউন্সিলে ভাড়া জন্য রয়েছে, লক্ষ্য হলো কাউন্সিলের মালিকানাধীন ডেভেলপমেন্টগুলোর 70% যাতে ভাড়ার জন্য থাকে।
- সহায়তা বৃদ্ধির কারণে গৃহহীনতা কমেছে। বেসরকারি খাতের ভাড়া দেওয়া
- সম্পত্তিগুলো ভালোভাবে পরিচালিত হয়।
- আমাদের ভাড়াটিয়া এবং ইজারাদারেরা আমাদের আবাসন পরিষেবা এবং আমাদের হাউজিং স্টকের উন্নত অবস্থা এবং বিদ্যুত ব্যবহারের দক্ষতার ব্যাপারে ধারাবাহিকভাবে সন্তুষ্ট।

ন্যায্যতর অর্থনীতি



- একটি বৈচিত্র্যময়, টেকসই, শক্তিশালী অর্থনীতি নিয়ে ওয়েস্টমিনস্টার অর্থনৈতিকভাবে সফল অবস্থায় আছে, যা বর্তমানে এবং ভবিষ্যতে সকল অধিবাসীদের জন্য প্রবৃদ্ধি ও সুফল বয়ে আনছে।
- অক্সফোর্ড স্ট্রিট এবং ওয়েস্ট এন্ড নিয়ে পুনরায় ভাবা হয়েছে এবং সেগুলো পুনরুজ্জীবিত করা হয়েছে, যা জাতীয় অর্থনীতিতে সেগুলোর অবস্থান সুরক্ষিত করেছে, এবং অধিবাসী, ব্যবসা প্রতিষ্ঠান, কর্মী ও পর্যটকদের জন্য সেগুলো যাতে বিশ্বমানের অফার ও অভিজ্ঞতা প্রদান করে তা নিশ্চিত করেছে।
- ছোট ব্যবসাগুলোকে বেড়ে ওঠতে এবং টিকে থাকতে সহায়তা করা হয়, যেখানে আমাদের স্থানীয় হাই স্ট্রিটগুলো কমিউনিটিগুলোর কেন্দ্রস্থলে থেকে আরো প্রাণবন্ত এবং অ্যাক্সেসযোগ্য হয়ে উঠার মাধ্যমে ভবিষ্যতের মুখোমুখি হওয়ার জন্য প্রস্তুত রয়েছে।
- শহরের কর্মসংস্থানের সুযোগের সদ্যবহার করা এবং পরিপূর্ণ ক্যারিয়ার গড়ে তোলার জন্য অধিবাসীদের সঠিক দক্ষতা রয়েছে।

ন্যায্যতর পরিবেশ



- কাউন্সিলটি 2030 সালের মধ্যে একটি নেট জিরো কাউন্সিল এবং 2040 সালের মধ্যে একটি নেট জিরো শহর হয়ে উঠার লক্ষ্য নিয়ে জলবায়ু পরিবর্তনের ব্যাপারে উচ্চাকাঙ্ক্ষী পদক্ষেপ গ্রহণ করছে।
- শহরটি অধিবাসীদের ও দর্শনার্থীদের বায়ু দূষণের সংস্পর্শে আসা সীমিত রাখতে বিশ্ব স্বাস্থ্য সংস্থার নির্দেশনা মেনে চলছে।
- ওয়েস্টমিনস্টারের রাস্তাগুলো অধিকতর পরিষ্কার এবং আরো বেশি নিরাপদ হয়েছে, আমাদের পরিষেবাগুলো নির্মল প্রযুক্তি ব্যবহার করছে, এবং রিসাইক্লিং বৃদ্ধি পেয়েছে।
- জনসাধারণ তাদের বাড়ি থেকে 15 মিনিটের দূরত্বের মধ্যে উচ্চ-মানের সবুজ স্থান, দোকান, স্বেচ্ছাসেবা, কমিউনিটি, স্বাস্থ্য ও অবকাশকালীন পরিষেবাগুলো অ্যাক্সেস করতে পারছে।
- অধিবাসী, কর্মী ও ডিজিটরদেরকে অধিকতর সক্রিয় ও টেকসই উপায়ে ওয়েস্টমিনস্টারে ভ্রমণ করতে সক্ষম ও উৎসাহিত করা হয়েছে।

ন্যায্যতর কাউন্সিল



- জনসাধারণ আরো সহজে নিজেদের জীবন উন্নত করার জন্য প্রয়োজনীয় তথ্য ও পরিষেবাগুলো খুঁজে নিতে পারছে।
- আমরা সিদ্ধান্তগুলোকে এমনভাবে আরো স্বচ্ছ করে তুলছি যা অধিবাসীদের মধ্যে তাদের মতামত শোনা হচ্ছে এমন অনুভূতি জাগায়।
- আমরা আর্থিকভাবে টেকসই অবস্থানে রয়েছি যাতে আমরা অধিবাসীদের এবং ব্যবসা প্রতিষ্ঠানগুলোকে সহায়তা করা অব্যাহত রাখতে পারি। আমাদের প্রোকিউরমেন্ট দায়িত্বপূর্ণ এবং মানুষের সাথে নৈতিক আচরণ নিশ্চিত করে, এবং আমাদের বিনিয়োগ সংক্রান্ত কার্যকলাপ পরিবেশগত প্রভাবগুলো বিবেচনা করে থাকে।

আমরা যেভাবে একটি ন্যায্যতর ওয়েস্টমিনস্টার গড়ে তুলছি

একটি ন্যায্যতর ওয়েস্টমিনস্টার গড়ে তোলাটা, শুধু আমরা যা অর্জন করতে চাই তা-ই নয়। এটি এই ফলাফলগুলো কেন গুরুত্বপূর্ণ এবং কিভাবে আমরা একসঙ্গে আমাদের ভবিষ্যত গড়ে তুলতে পারি সে সম্পর্কেও।

আমরা একটি ন্যায্যতর ওয়েস্টমিনস্টার গড়ে তুলতে চাই কারণ আমরা চাই সবাই সমৃদ্ধি অর্জন করুক এবং আমাদের শহর থেকে উপকৃত হোক।

এটি করার জন্য, আমরা নিম্নলিখিত মূল্যবোধগুলোর ব্যাপারে অঙ্গীকারাবদ্ধ থাকবো এবং সেগুলোকে আমাদের কমিউনিটির অংশগ্রহণের দলিলে অন্তর্ভুক্ত করবো। দলিলটি অধিবাসীদের সিদ্ধান্ত গ্রহণে জড়িত করার জন্য কাউন্সিল অফিসাররা কিভাবে কাজ করবে তার রূপরেখা তুলে ধরবে।

উন্মুক্ততা
ও
স্বচ্ছতা

অংশীদারিত্ব
ও
সহযোগিতা

বৈচিত্র্য
ও
অন্তর্ভুক্তি

উন্মুক্ততা ও স্বচ্ছতা

আমাদের কমিউনিটিগুলোর জন্য এই আস্থা রাখা অত্যন্ত গুরুত্বপূর্ণ যে এই কাউন্সিল সবচেয়ে ভালোভাবে কমিউনিটিগুলোর স্বার্থ রক্ষা করতে সচেষ্ট। সততা অবলম্বন করে এবং আমাদের সম্মুখীন হওয়া সমস্যাগুলোর সমাধান করতে একসঙ্গে কাজ করার মাধ্যমে আমরা এটি অর্জন করতে পারি। যেসব উপায়ে আমরা উন্মুক্ত ও স্বচ্ছ থাকবো তার কয়েকটি হলো:

- পারফরম্যান্স সংক্রান্ত তথ্য সহজে অ্যাক্সেসযোগ্য উপায়ে প্রকাশ করা যাতে আমাদের অঙ্গীকারাবদ্ধতার বিপরীতে আমরা কেমন কাজ করছি সে ব্যাপারে আপনারা আমাদের কাছে জবাবদিহিতা চাইতে পারেন।
- বিশ্লেষণ, অনুধাবন ও উদ্ভাবনের সক্ষমতা গড়ে তোলার জন্য আমাদের কাছে থাকা উপাত্ত শেয়ার করা - এবং লন্ডন সম্পর্কে গুরুত্বপূর্ণ উপাত্ত রাখেন এমন অন্যদেরকে একই কাজ করতে উৎসাহিত করা।

অংশীদারিত্ব ও সহযোগিতা

আমাদের কমিউনিটি, সরকারি, স্বেচ্ছাসেবী এবং বেসরকারি খাতের অংশীদারদের দক্ষতা এবং নিজেদের কমিউনিটি সম্পর্কে গভীর জ্ঞান রয়েছে যা আমাদের কাজ যথাসম্ভব ফলপ্রসূ হওয়া নিশ্চিত করতে সাহায্য করবে।

আমাদের সহযোগিতামূলকভাবে কাজ করার কিছু উপায় হলো:

- একটি ক্লাইমেট অ্যাসেসমেন্ট প্রতিষ্ঠা করার মাধ্যমে, স্থানীয় জনগণকে শহরে জলবায়ু পরিবর্তন কিভাবে মোকাবেলা করা উচিত সে সম্পর্কে মতামত জানানোর সুযোগ করে দেওয়া।
- নতুন ধারণাকে দৃঢ়ভাবে পরীক্ষা করার জন্য আমাদের সম্প্রতি প্রতিষ্ঠিত রেসিডেন্ট রিসার্চ প্যানেল ব্যবহার ও সম্প্রসারণ করা।

বৈচিত্র্য ও অন্তর্ভুক্তি

আমরা কেবল তখনই সত্যিকার অর্থে একটি ন্যায্যতর ওয়েস্টমিনস্টার তৈরি করতে পারবো যদি আমরা বিস্তৃত পরিসরের অভিন্ন শোনার বিষয়টি নিশ্চিত করতে পারি। আমরা বৈচিত্র্য উদযাপন ও প্রচার করবো এবং অধিবাসীদের বিষয়ে সিদ্ধান্তগুলো যাতে তাদেরকে সঙ্গে নিয়ে গ্রহণ করা হয় সে বিষয়টি নিশ্চিত করবো। আমরা যেসব উপায়ে বৈচিত্র্য ও অন্তর্ভুক্তি লালন করবো তার মধ্যে কয়েকটি হলো:

- ওয়েস্টমিনস্টারের কমিউনিটিগুলোর প্রতিনিধিত্ব করে এবং বৈচিত্র্য ও অন্তর্ভুক্তির প্রতি অঙ্গীকারবদ্ধ এমন কর্মীদের সহায়ক নিয়োগকর্তা হিসেবে কাজ করা।
- 2022-24 সালের জন্য সমতা সংক্রান্ত নতুন লক্ষ্যমাত্রা তৈরি করার মাধ্যমে এবং কিভাবে আমরা সেগুলোর প্রভাব পরিমাপ করি সে ব্যাপারে স্বচ্ছতার পরিচয় দেওয়ার মাধ্যমে অসমতা মোকাবেলা করা।

আমরা ইতোমধ্যে কী কী পরিবর্তন করেছি?

ন্যায্যতর কমিউনিটি



ডিজিটাল সোশ্যাল কেয়ার অ্যাকাউন্ট চালু করা হয়েছে যাতে অধিবাসীরা ব্যক্তিগত বাজেট ব্যবস্থাপনা করতে এবং সেবা সংক্রান্ত পরিষেবাগুলো অনলাইনে ক্রয় করতে পারেন



মানসিক স্বাস্থ্য, গৃহহীনতা ও শারীরিক নিষ্ক্রিয়তা সহ মহামারী দ্বারা প্রকাশিত স্বাস্থ্যের প্রভাব মোকাবেলায় 3 মিলিয়ন পাউন্ড বরাদ্দ করা হয়েছে



আমাদের নতুন স্কুল ইউনিফর্ম সহায়তা স্কিমের মাধ্যমে স্কুলের জন্য একটি নতুন ইউনিফর্মের খরচ দেওয়ার মাধ্যমে 770টি শিশুর পরিবারকে সহায়তা করা হয়েছে



আমাদের লাইব্রেরিগুলোতে বিনামূল্যে পিরিয়ডের সময় ব্যবহারের পণ্য সরবরাহ করা হয়েছে যাতে সেগুলো পাওয়ার ক্ষেত্রে আর্থিক বাধা-বিপত্তি দূর হয়

ন্যায্যতর আবাসন



কমিউনিটির বৃহস্পতিবারের ওয়াকঅ্যাউটগুলোতে সমর্থন দেওয়া হয়েছে, যেখানে অধিবাসীরা কী ধরনের সমস্যার সম্মুখীন হচ্ছে তা জানতে আমরা আমাদের 1,900টি বাড়ি পরিদর্শন করেছি



গৃহহীন পরিবারগুলোকে তাদের সম্মতি ছাড়াই বেসরকারি ভাড়া খাতে স্থানান্তরের নীতি সাময়িকভাবে বন্ধ করা হয়েছে



খোলা বাজারে কাউন্সিলের বাড়িগুলো বিক্রি করার জন্য কাউন্সিলের কর্মসূচি অবিলম্বে থামিয়ে দেওয়া হয়েছে এবং এই নীতির একটি জরুরি পর্যালোচনার ব্যবস্থা করা হয়েছে



ওয়েস্টমিনস্টারে খালি বাড়িগুলো সামাল দেওয়ার জন্য কাউন্সিলে একটি নিবেদিত পদ তৈরি করা হয়েছে

ন্যায্যতর পরিবেশ



বরোর অধিবাসী এবং বাড়ির মালিকদের সামনে ব্যবহারিক জ্ঞানানি সাশ্রয়ী উন্নয়ন প্রদর্শনের জন্য বিদ্যুৎ সাশ্রয়ী বাড়ি প্রদর্শন করা হয়েছে



আমাদের এয়ার কোয়ালিটি সেন্সর পাইলট এবং SmogMobile-এর মাধ্যমে বায়ু দূষণের প্রভাব সম্পর্কে সচেতনতা তৈরি করা হয়েছে



TfL-এর জন্য আরো বেশি তহবিল পেতে সরকারের কাছে লবিং করা হয়েছে এবং বাস রুটের প্রস্তাবিত পরিবর্তনগুলো সম্পর্কে অধিবাসীদের সচেতন করতে একটি ক্যাম্পেইন চালু করা হয়েছে



নিরাপদে সাইকেল চালানার নতুন রুটগুলো শনাক্ত করতে এবং সেগুলোর পরিকল্পনা করতে স্থানীয় সাইক্লিং গ্রুপগুলো এবং TfL-এর সাথে সাক্ষাত করা হয়েছে



রিসাইক্লিং-এর হার উন্নত করতে 6,500টি পরিবারকে খাদ্য বর্জ্য রিসাইক্লিং পরিষেবার সঙ্গে পরিচয় করিয়ে দেওয়া হয়েছে



জলবায়ুজনিত জরুরি অবস্থা মোকাবেলায় তারা যেভাবে সহায়তা করতে পারে তা প্রদর্শন করার জন্য ইবারি ব্রিজে আমাদের জুলাই মাসের ক্লাইমেট অ্যাকশন দিবসে প্রায় 30 জন অধিবাসীর সাথে কথা বলা হয়েছে



গ্রিন ফাইন্যান্স ইনস্টিটিউটের স্থানীয় জলবায়ু বন্ড অঙ্গীকারে স্বাক্ষর করা হয়েছে যা এই কাউন্সিলকে আমাদের নেট জিরো কার্বন প্রতিশ্রুতিগুলো অর্জনের পথে এক ধাপ কাছাকাছি এগিয়ে নিয়েছে



ওয়েস্টমিনস্টারে বাণিজ্যিক ও আবাসিক সম্পত্তি ডিকার্বনাইজ করার ব্যাপারে কাউন্সিল এবং ভবন মালিকদের পরামর্শ দেওয়ার জন্য একটি রেট্রোফিট টাস্কফোর্স গঠন করা হয়েছে



৪,০০০ এরও বেশি শিশু ও তরুণকে সহায়তা করার জন্য ১.৩৫ মিলিয়ন পাউন্ডের একটি প্যাকেজ চালু করা হয়েছে, যার মধ্যে ছুটির দিনে বিনামূল্যে খাদ্য, ক্রিয়াকলাপ ও বিনামূল্যে স্কুল মিল ভাউচার অ্যাক্সেস করার জন্য ৫,৯০০টি জায়গা অন্তর্ভুক্ত রয়েছে



বাই-বরো স্কুল অন্তর্ভুক্তি সংক্রান্ত কর্মকৌশল চালু করা হয়েছে যা শিশু ও তরুণদের সুনির্দিষ্ট গ্রুপগুলোর বহির্ভূত থাকার দ্বারা অসমভাবে প্রভাবিত হওয়ার দিকে নিয়ে যায় এমন বিষয়গুলো মোকাবেলা করছে



ইউক্রেন থেকে ১৪০ জন নতুন আগমনকারীকে স্বাগত জানানো হয়েছে এবং তারা কিভাবে শহরে বসতি স্থাপন করতে পারে সে সম্পর্কে তথ্য সরবরাহ করা হয়েছে



মায়দা হিল মার্কেটে স্থানীয় ছাত্রদের জন্য বাস্তব জীবনের ব্যবসার অভিজ্ঞতা অর্জন করতে একটি প্রতিযোগিতার আয়োজন করা হয়েছে



অক্সফোর্ড স্ট্রিট এবং অন্যান্য এলাকাকে ক্ষতিগ্রস্ত করা ক্যান্ডি স্টোরগুলোর বিরুদ্ধে কঠোর ব্যবস্থা গ্রহণ করা হয়েছে



সৃজনশীল ও সাংস্কৃতিক অর্থনীতির সুরক্ষা ও বৃদ্ধির জন্য এবং অধিবাসীদের জন্য আরো বেশি সুযোগ প্রদান করতে লন্ডনের মেয়রের কাছে হ্যারো রোডকে একটি ক্রিয়েটিভ এন্টারপ্রাইজ জোন হিসেবে মনোনীত করার জন্য আবেদন করা হয়েছে



হ্যারো রোডের মতো গুরুত্বপূর্ণ স্থানীয় হাই স্ট্রিটগুলোর খুচরা দোকানগুলোকে নির্বিচারে আবাসিক বাসস্থানে রূপান্তর করা থেকে রক্ষা করার জন্য সরকারের কাছে সফলভাবে লবিং করা হয়েছে




শারীরিক ও সম্পূর্ণ বিনামূল্যের প্রথম ব্যবসায়িক স্কুল হিসেবে ব্যবহারের উদ্দেশ্যে সোশ্যাল এন্টারপ্রাইজ রেবেল বিজনেস স্কুলের জন্য ৪৭০ হ্যারো রোডের নির্মাণকাজ সম্পন্ন করা হয়েছে

ন্যায্যতর অর্থনীতি



স্থানীয় পদক্ষেপ গ্রহণের টার্গেট সামনে রেখে ১০০টিরও বেশি অবৈধ আবর্জনা জমা করার 'হট স্পট' চিহ্নিত করা হয়েছে



জীবনযাত্রার ক্রমবর্ধমান ব্যয়ের সাথে সংগ্রামে লিপ্ত ওয়েস্টমিনস্টারের পরিবারগুলোকে সাহায্য করার জন্য প্রাথমিকভাবে ৫.৬ মিলিয়ন পাউন্ডের একটি সহায়তা প্যাকেজ প্রদান করার লক্ষ্য নির্ধারণ করা হয়েছে



এখন পর্যন্ত, ৫০,২১৩টি পরিবারের জন্য ১৫০ পাউন্ড কাউন্সিল ট্যাক্স কমানো হয়েছে



আমাদের শহরের তহবিল রক্ষার জন্য লন্ডন-ব্যাপী প্রচারাভিযানের নেতৃত্ব দেওয়া হয়েছে যা সর্বশেষ আদমশুমারির ফলাফল দ্বারা প্রভাবিত হতে পারে

FUTURE OF WESTMINSTER

অধিবাসী এবং ব্যবসা প্রতিষ্ঠানগুলোর জন্য একটি ন্যায্যতর ওয়েস্টমিনস্টার প্রদান করতে, উদ্ভাবনমূলক ফিউচার অব ওয়েস্টমিনস্টার কমিশন চালু করা হয়েছে যা নতুন ধারণা ও দৃষ্টিভঙ্গি নিয়ে আসার প্রতি মনোযোগী হবে



জীবনযাত্রার ব্যয় ক্রমশ বৃদ্ধি পাওয়ার সংকট অব্যাহত থাকার এই সময়ে এই পরিষেবার বর্ধিত চাহিদা পূরণ করতে সিটিজেন্স অ্যাডভাইস ওয়েস্টমিনস্টার এর বাড়তি চারজন কর্মী নিয়োগের জন্য অর্থায়ন করা হয়েছে



কাউন্সিলের মিটিংয়ে জনসাধারণের অংশগ্রহণ করার ব্যাপারে আমাদের প্রতিশ্রুতি বাস্তবায়ন শুরু করা হয়েছে, যার প্রথমটি ঘটেছে উইন্ডরাশ দিবসে পিটার স্ট্র্যাকারের সম্পূর্ণ কাউন্সিলকে সম্বোধন করে বক্তব্য রাখার মধ্য দিয়ে

ন্যায্যতর

ওয়েস্টমিনস্টার

ন্যায্যতর ওয়েস্টমিনস্টারকে বাস্তবে পরিণত করা

একটি ন্যায্যতর ওয়েস্টমিনস্টারের জন্য প্রচুর কাজ করতে হবে, এবং এটি রাতারাতি ঘটবে না। তবে একসঙ্গে মিলে আমরা এটিকে বাস্তবে পরিণত করবো। পরবর্তী ছয় মাসে আমরা যেসব প্রকল্প নিয়ে কাজ করবো তার মধ্যে কয়েকটি হলো:

ন্যায্যতর কমিউনিটি

- ছুটির দিনের কার্যক্রম ও খাদ্য কর্মসূচিগুলো সম্প্রসারণ করার মাধ্যমে শিশুদের ক্ষুধা নিবারণের জন্য লড়াই করা এবং আমাদের স্থানীয় ব্রেকফাস্ট ক্লাবের অফার জোরদার করা।
- সক্রিয় ও স্বাস্থ্যকর জীবনযাপনের জন্য আমরা কিভাবে লোকজনকে সহায়তা করা অব্যাহত রাখবো তার রূপরেখা নির্ধারণ করতে নতুন অ্যাক্টিভ ওয়েস্টমিনস্টার কর্মকৌশল চালু করা।
- শহরে মহিলা ও মেয়েদের জন্য নিরাপত্তা উন্নত করতে ওয়েস্টমিনস্টারের নাইট সেফটি কর্মসূচি উন্নয়ন করা।
- আমাদের সংস্কারকৃত কমিউনিটি অবসরযাপন কেন্দ্র, খেলার মাঠ এবং আউটডোর জিমগুলোর মাধ্যমে শারীরিক ক্রিয়াকলাপকে আরো বেশি অ্যাক্সেসযোগ্য করে তোলা।
- শিশুদের সবচেয়ে সেরা উপায়ে জীবন শুরু করার সুযোগ করে দিতে বেসওয়াটার চিলড্রেন'স সেন্টারে লভ্য পরিষেবাগুলো আমরা কিভাবে সমৃদ্ধ করে তুলতে পারি তা অন্বেষণ করা।
- আমাদের পাবলিক টয়লেটগুলো উন্নত করা, যার মধ্যে মায়দা হিল মার্কেটের টয়লেটগুলো পুনরায় চালু করা, ব্রডউইক স্ট্রিটের অটো টয়লেট আপগ্রেড করা এবং ওয়েস্ট এন্ডের অস্থায়ী টয়লেটগুলো পর্যালোচনা করা অন্তর্ভুক্ত রয়েছে।

ন্যায্যতর আবাসন

- সামগ্রী আবাসনের লভ্যতা বৃদ্ধি করা এবং আবাসনের জন্য অপেক্ষমাণ তালিকায় থাকার সময় কমিয়ে আনার জন্য আমাদের প্রচেষ্টাসমূহের অংশ হিসেবে আমাদের চলমান উন্নয়ন প্রকল্পগুলোতে সামগ্রী আবাসনের আনুপাতিক পরিমাণ পর্যালোচনা করা।
- আমাদের সার্ভেয়ররা যাতে যেকোনো সমস্যা শনাক্ত করতে এবং সমাধান করতে পারেন তা নিশ্চিত করতে আমাদের সম্পত্তিগুলোতে MOT পরীক্ষা সম্পন্ন করা।
- 360টি কাউন্সিল হোমকে আরো বেশি জ্বালানি সামগ্রী করে তোলার জন্য সংস্কার করা।
- একাধিক পক্ষের দখলে থাকা বাড়ি (HMO) লাইসেন্স করা হয়নি এমন ক্ষেত্রে ভাড়াটিয়াদের ভাড়ার অর্থ ফেরত নেওয়ার জন্য, ভাড়ার অর্থ ফেরত সংক্রান্ত আদেশ প্রদানের মামলা গ্রহণের জন্য জাস্টিস ফর টেনেন্টস-এর সঙ্গে একটি চুক্তি সম্পন্ন করতে কাজ করা।





ন্যায্যতর অর্থনীতি

- তরুণ ব্যক্তিদের নিজেদের কর্মসংস্থানের দক্ষতা গড়ে তোলার জন্য সাহায্য করতে এই কাউন্সিলে একটি কর্পোরেট কাজের অভিজ্ঞতা সংক্রান্ত নীতিমালা চালু করা।
- অরক্ষিত অধিবাসী ও ডিজিটরদেরকে জুয়া খেলার ক্ষতি থেকে রক্ষা করার জন্য জুয়া খেলা সংক্রান্ত নীতিমালা প্রণয়ন করা।
- শহরজুড়ে লোকজনের জন্য ইন্টারনেট অ্যাক্সেস উন্নত করতে ওয়েস্টমিনস্টারের আরো বেশি সম্পত্তিকে সম্পূর্ণ ফাইবার ব্রডব্যান্ডের সাথে সংযুক্ত করা।
- আমরা কিভাবে ওয়েস্টমিনস্টারের অর্থনীতিকে ভবিষ্যত প্রজন্মগুলোর জন্য ন্যায্যতর, আরো বেশি টেকসই ও সফল করে তুলবো তা দেখানোর জন্য অর্থনৈতিক উন্নয়ন বিষয়ক একটি নতুন কর্মকৌশল প্রকাশ করা।
- কমপক্ষে লন্ডনে বসবাসের উপযোগী বেতন প্রদান করতে অঙ্গীকারাবদ্ধ নয় এমন নিয়োগকর্তাদের জন্য নিয়োগ সংক্রান্ত সহায়তা প্রদান বন্ধ করে দেওয়া।
- ওয়েস্ট এন্ডের খালি পড়ে থাকা ইউনিটগুলোকে পুনরায় ব্যবহারের জন্য ফিরিয়ে আনতে পপ-আপ কর্মসূচি সম্প্রসারণ করা।
- মেড ইন ওয়েস্টমিনস্টার স্কিম চালু করা যাতে 16 বছরের বেশি বয়সী অধিবাসীরা নিজেদের ব্যবসা শুরু করার জন্য সহায়ক যোগ্যতা ও অভিজ্ঞতা অর্জন করতে পারে।

ন্যায্যতর পরিবেশ

- আরো বেশি মানুষকে সাইকেল চালানোর জন্য উৎসাহিত করতে 2023 সালের মার্চ মাসের মধ্যে আরো 600টি নিরাপদ সাইকেল পার্কিং-এর স্থান চালু করা।
- নিম্ন নির্গমন সম্পন্ন ভ্রমণকে আরো বেশি আকর্ষণীয় করে তুলতে 2024 সালের মধ্যে আরো 1,000টি বৈদ্যুতিক গাড়ির চার্জিং পয়েন্ট স্থাপন করা।
- টেকসই সিটি চার্টার চালু করা, যেটি হলো আমাদের ভবনগুলোর কার্বন প্রভাব মোকাবেলা করা এবং সেগুলোকে টেকসই করার জন্য শহরজুড়ে পদক্ষেপ গ্রহণ করতে সাহায্য করার জন্য একটি যৌথ অঙ্গীকারাবদ্ধতা।
- সবুজ স্থান, টেকসই পরিবহন ও রিসাইক্লিং অ্যাক্সেস করার ক্ষেত্রে অধিবাসীদের সম্মুখীন হওয়া বাঁধাগুলো আমরা কিভাবে অপসারণ করতে পারি তা বোঝার জন্য একটি পরিবেশগত ন্যায্যবিচার সংক্রান্ত পদক্ষেপ সম্পন্ন করা।
- একটি কমিউনিটি মিউনিসিপ্যাল ইনভেস্টমেন্ট বন্ড চালু করা, যাতে অধিবাসীরা জলবায়ু পরিবর্তন মোকাবেলাকারী প্রকল্পগুলোতে বিনিয়োগ করতে পারে।
- শহরজুড়ে সবুজায়ন প্রকল্পগুলোতে কমিউনিটি এবং অধিবাসীদের সঙ্গে সম্পৃক্ত হওয়া।

ন্যায্যতর কাউন্সিল

- অধিবাসীদের জন্য লভ্য জীবনযাপনের ব্যয় সংক্রান্ত সহায়তা অ্যাক্সেস করতে তাদেরকে সাহায্য করা অব্যাহত রাখা।
- আমাদের কন্ট্রাক্টর ও সরবরাহকারীরা যাতে আমাদের ন্যায্যতর ওয়েস্টমিনস্টার কর্মকৌশলকে সমর্থন করে তা নিশ্চিত করতে আমাদের দায়িত্বপূর্ণ প্রোকিউরমেন্ট ও কমিশনিং সংক্রান্ত কর্মকৌশল নবায়ন করা।
- যেসব উপায়ে আমরা আমাদের সাপ্লাই চেইনে দাসত্বের ঝুঁকি কমিয়ে আনবো সেগুলো তুলে ধরার জন্য আমাদের আধুনিক দাসত্ব বিষয়ক বিবৃতি প্রকাশ করা।
- ন্যায্যতর কর প্রতিশ্রুতিতে স্বাক্ষর করা, যেটির মাধ্যমে আমরা আমাদের সরবরাহকারীদের সঠিক সময়ে সঠিক স্থানে সঠিক পরিমাণ কর পরিশোধ করতে বলবো।
- আমাদের গ্রাহক সেবা উন্নত করতে, খরচ কমাতে এবং অধিবাসীদের জন্য আটটি কর্মসংস্থানের সুযোগ তৈরি করতে আমাদের নতুন ইন-হাউজ কর্পোরেট কন্টাক্ট সেন্টার চালু করা।
- পরিকল্পনা প্রণয়ন সংক্রান্ত বিষয়গুলোতে কমিউনিটিগুলো কিভাবে সম্পৃক্ত থাকবে তা নির্ধারণ করে দেওয়া একটি নতুন কমিউনিটির সম্পৃক্ততা বিষয়ক বিবৃতির ব্যাপারে পরামর্শ করা।

সম্পৃক্ত থাকুন

ন্যায্যতর ওয়েস্টমিনস্টার তৈরিতে আমাদের প্রত্যেকেরই ভূমিকা রয়েছে। আপনার এতে জড়িত হওয়ার এবং নিজের মতামত জানানোর কিছু উপায় হলো:



সর্বশেষ সংবাদ ও ইভেন্টের জন্য, আমাদের ওয়েবসাইটে ভিজিট করুন অথবা আমাদের নিউজলেটার পেতে সাইন-আপ করুন:
www.westminster.gov.uk/news



আসন্ন সিদ্ধান্ত গ্রহণ কাউন্সিল ও কমিটির সভা:
www.westminster.gov.uk/committees



পরামর্শ বা প্রস্তাব যা আমাদের অধিবাসী ও ব্যবসা প্রতিষ্ঠানগুলোর উপর প্রভাব ফেলতে পারে:
www.westminster.gov.uk/about-council/consultations



আমাদের রেসিডেন্ট রিসার্চ প্যানেলের একজন সদস্য হতে সাইন-আপ করুন, যেটি এমন অধিবাসীদের একটি পুল যাদেরকে কাউন্সিলের নীতিমালা ও প্রকল্পগুলো পর্যালোচনা করতে এবং প্রতিক্রিয়া জানাতে আমন্ত্রণ জানানো হয়েছে:
www.westminster.gov.uk/resident-research-panel



সংযুক্ত হন এবং আমাদের উন্মুক্ত ফোরামে আপনার মতামত জানান:
www.westminster.gov.uk/about-council/open-forum



আপনার প্রতিবেশীদের সাথে সংযুক্ত হতে এবং আপনার এলাকায় পরিকল্পনা সংক্রান্ত সিদ্ধান্ত নিতে অবদান রাখতে আপনার স্থানীয় অ্যামেনিটি সোসাইটিতে যোগ দিন: www.westminsteramenitysocietiesforum.org



আপনার এস্টেটে কমিউনিটির চেতনা তৈরি করুন এবং আপনার স্থানীয় অধিবাসীদের সমিতিতে যোগ দিয়ে আপনার প্রতিবেশীদের প্রতিনিধিত্ব করুন:
www.westminstercommunityinfo.org/subjects/residents-associations.html